

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....Hala yega aserka paso ambiente ta total. Bin kla pa balia tumba paso e aña aki nos ta bai Bati bleki pa Rementé mane den SUBT.

Tumbanan ta kla. Tur rei i reina ta koroná, ta e disfrasnan no falta nan toke final, pa e marcha por start.

Ban selebrá responsabel. Ban halsa nos karnaval, nos ekspreshon kultural máksimo di nos isla. Laga union i konbibensia dominá. Koperá ku otro, i no bringa otro. Duna esnan banda di bo un pida lugá pa nan tambe por para wak karnaval. No ta paso abo si por paga prekario bo ta kere ku tur por. Tin hende ku no por, pero nan tambe meresé nos respèt i nos koperashon. Ta esei ta nos kultura, inkluí i no eksklui otro. Kòrda dal un betèr pero no bebe fuma, paso ta iresponsabel pa bo ta den kaya fuma poniendo bo mes bida i di otro na peliger. Laga e fiesta kana bon i pa na final nos seré sin niun remordimiento.

Plenchistanan un felis fin di siman pa bo. Bati bleki poko te ora bo Remente mané den SUBT.

Riba roster

Meditá riba e siguiente versíkulo : Romano 13:12-14

Ban pone tur obranan di skuridat un banda i bisti e armadura di lus.

Laga nos komportá nos desentementemente komo si fuera ta di dia klá.

No hiba un bida di paranda i buracheria, immoralidat seksual i un bida parotin, di pleitamentu i envidia.

Pero bisti boso mes ku Señor Hesu Kristu i stòp di buska pa satisfasé e deseonan malu ku ta bini di boso naturalesa pekaminoso.

Not'é riba bòrchi

Kolegio St. Famia ta lusi manera un diamante ku su mural pintá. Una beyesa.



E promé banda di e muraya na entrada di Kolegio Sta. Famia ta kla. Bunita trabou mener Damiana

Den agènda

Karnaval di mucha 19 Februari

Karnaval di tiner 24 februari

Karnaval grandi 26 febr.

Liber di skol 20 febr, 27 febr, 28 febr 1 mart.

Mi ta konta

Miedu

Kompa Leon tabata drumi ora un kakalaka a subi su barika. Mesora el a bula lanta i kore pa e skapa di e bestia. Shon olefante ku a mira e miedu den wowo di Kompa Leon no por a kere. Ela grita hari. Kompa Leon no a gusta niun tiki, pero e no por a kamouflá su miedu. El a keda rel pa un ratu.

Djis un ratu despues un muska a kuminsá bula banda di kara di Shon Olefante. Shon Olefante a kuminsá zwai ku su nanishi pa kita e bestia. El a kuminsá hansha di miedu i ta blo bisa. “No bai den mi orea, no no bai den mi orea.”

Kompa Leon no por a kere ku un bestia grandi asina por tin miedu di un muska. E tambe a grita hari. E ora ei tur dos a realisá kon algu ku pa e otro por ta normal, por duna otro miedu.

Moral: SI nos por mira nos miedu manera otro hende ta miré, nos lo ripará ku nos miedu no tin sentido hopi biaha. Òf nos por komprondé ku pa e otro e miedu ta real, i kada ken tin miedu di su mes

Un prentchi

Pabien na tur nos hobennan ku a partisipá na Tumba Hubenil





Rey di Tumba Hubenil Tariq Hooi
– alumno di Maria College VSBO



Rei i Reina Teener 2017. Silviene Martina & Lishendrick Josepha di St Jozef VSBO.

Adishonal nan a gana: Mas popular, Miho Show i Mas Talentososo



Tariq Hooi Rey di Tumba Hubenil i
Denzell Gregg 1e finalista Tumba Hubenil 2017
Alumnonan di Maria College VSBO

Mucha djispou

Jasmin a prepará tur kos pa e baña su beibi pa nan por yega misa. Su kasá Alberto a tene e yu p'e mientras tantu.

Jasmin: “Trese e yu numa Alberto, mi ta kla pa bañe.”

Alberto: “Bon bo tin ku warda un ratu si paso mi no por bin mesora.”

Jasmin: “No, mi tin purá, tresé awor.”

Alberto: “Pero masha ora mi ta buské, mi tin ku warda p'é yora pa mi sa unda e ta”